

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI

Služba za upravu društvenih djelatnosti,  
pitanja boraca i opću upravu



Broj: 04-45-17/23-AP-310

Datum: 20.10.2023.godine

**- WEB STRANICA GRADA ZAVIDOVIĆI**  
**- SREDSTVA INFORMISANJA**

**PREDMET:** Obavijest o Javnom pozivu Federalnog ministarstva rada i socijalne politike, dostavlja se-

Obavještavaju se zainteresovana fizička lica iz kategorije energetski siromašnih domaćinstava sa područja grada Zavidovići da će Federalno ministarstvo rada i socijalne politike dana 23.10.2023.godine raspisati Javni poziv za dodjelu sredstava s pozicije Tekućeg transfera drugim razinama vlasti i fondovima - Podrška Europske unije Bosni i Hercegovini u cilju ublažavanja negativnog socio-ekonomskog utjecaja energetske krize.

Javni poziv bit će objavljen na službenoj web stranici Federalnog ministarstva rada i socijalne politike, a prijave će se podnositi jedinicama lokalne samouprave (općinama/gradovima) prema mjestu prebivališta članova domaćinstva.

Zainteresovana fizička lica sa područja Grada Zavidovići prijave podnose putem Pisarnice grada Zavidovići u periodu od 23.10.2023.godine do zaključno sa 10.11.2023.godine.

**Pravo podnošenja prijave imaju sljedeće kategorije energetski siromašnih domaćinstava:**

- **Kategorija 1:** Domaćinstvo u kojem žive materijalno neosigurane i za rad nesposobne odrasle osobe koje nemaju prijeko potrebnih sredstava za izdržavanje, nesposobne su za rad i ne mogu osigurati sredstva za život po nekom drugom osnovu, a kojima je u 12. mjesecu 2022. godine isplaćeno pravo na stalnu novčanu pomoć prema propisima iz oblasti socijalne zaštite.
- **Kategorija 2:** Domaćinstvo u kojem žive djeca koja su ostvarila pravo na dječji dodatak po osnovu Zakona o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22)
- **Kategorija 3:** Domaćinstvo u kojem su najviše dva člana korisnici prava na penziju po propisima o penzijsko-invalidskom osiguranju u iznosu koji nije viši od iznosa zagarantovane mirovine za 12. mjesec 2022. godine prema podacima Federalnog zavoda za penzijsko-invalidsko osiguranje i to pod uvjetom da nisu korisnici razmjernе penzije s inozemstvom i da nijedan odrasli član domaćinstva tokom 2022. godine nije ostvarivao dodatna primanja po osnovu radnog odnosa.
- **Kategorija 4:** Domaćinstvo u kojem su tokom prethodne kalendarske godine jedno ili više maloljetne djece, uslijed smrti ili nepoznatog identiteta drugog roditelja, živjeli sa samo jednim roditeljem koji u tom razdoblju nije ostvarivao prihode koji se oporezuju po propisima o porezu na dohodak ili nije ostvarivao primanja po osnovu radnog odnosa u iznosu većem od iznosa najniže plaće u Federaciji u 2022. godini (543,00 KM).

Prijavni obrazac može se preuzeti na Info-pultu Grada Zavidovići, kao i sa Web stranice Grada Zavidovići.

**Uz prijavni obrazac potrebno je dostaviti sljedeću dokumentaciju:**

- a) Čitko popunjen i potpisan Prijavni obrazac koji je sastavni dio ovoga Javnog poziva. Predmetni Prijavni obrazac će se u elektronskoj formi besplatno moći preuzeti s web stranice Federalnog ministarstva rada i socijalne politike ([www.fmrsp.gov.ba](http://www.fmrsp.gov.ba) u rubrici pod nazivom "Javni konkursi") ili u printanoj formi u prostorijama općinskih ili gradskih organa uprave. Sastavni dio Prijavnog obrasca predstavlja i izjava podnosioca prijave u kojoj pod punom, moralnom, kaznenom i materijalnom odgovornošću izjavljuje da niti on niti ostali članovi zajedničkog domaćinstva nisu aplicirali niti će aplicirati za korištenje sredstava po osnovu Javnog poziva raspisanog od strane Fonda za zaštitu okoliša Federacije Bosne i Hercegovine kroz koji se dodjeljuju sredstva za podršku mjerama energetske efikasnosti stambenih objekata.
- b) CIPS-ove prijave za sve članove zajedničkog domaćinstva iz kojih će se moći utvrditi činjenice u pogledu državljanstva i prebivališta.
- c) Izjavu o broju članova zajedničkog domaćinstva (kućna lista) koja treba biti ovjerena od strane općinskog ili gradskog organa uprave.
- d) Dokaz o otvorenom bankovnom računu iz kojega se vidi vlasništvo nad računom kao i broj računa (kopija).

Napomena: Pored gore navedene dokumentacije ovog Javnog poziva, podnosioci prijave iz kategorije domaćinstava u kojima su tokom prethodne kalendarske godine jedno ili više maloljetne djece, uslijed smrti ili nepoznatog identiteta drugog roditelja, živjeli sa samo jednim roditeljem trebaju priložiti i dokaz o ovim činjenicama (smrtni list drugog roditelja ili rodni list djeteta u kojemu je upisana činjenica nepoznatog identiteta drugog roditelja).

S poštovanjem.

DOSTAVLJA SE:

1. Naslovu,
2. U spis.

Obradio: \_\_\_\_\_

/ Muamer Hrvić, prof. /



POMOĆNIK GRADONAČELNIKA

*Idriz Alihodžić*  
Idriz Alihodžić, prof.